

ქ.თბილისი,

31 ივლისი, 2023 წელი

ჩვენ, ქვემოთ ხელისმომწერნი, ერთი მხრივ, სსიპ საქართველოს ტექნიკური უნივერსიტეტი წარმოდგენილი მისი რექტორის დავით გურგენიძის სახით (შემდგომში „დამკვეთი“) და მეორე მხრივ შპს „სამშენებლო კომპანია აპექს დეველოპმენტი „ (ს/კ 404438649) (შემდგომში „შემსრულებელი“), წარმოდგენილი მისი დირექტორის -ვლადიმერ რობაქიძის სახით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1 წინამდებარე დოკუმენტის ფარგლებში მხარეები შეთანხმდნენ რომ „დამკვეთის“ ბაკალავრიატის საგანმანათლებლო პროგრამის „ სასწავლო კურსით: „საწარმოო პრაქტიკა“ (45 სთ), გათვალისწინებული პრაქტიკის მაღალ დონეზე წარმართვის მიზნით, „შემსრულებელთან“ შეთანხმებით და წინამდებარე დოკუმენტით შეთანხმებულ ფარგლებში გამოიყენებს „შემსრულებლის“ სარგებლობაში არსებულ ბაზას, მხოლოდ შემსრულებლის მიერ გამოყოფილი მენტორის/ზედამხედველის მეთვალყურეობით და თანხლებით.
- 1.2 წინამდებარე დოკუმენტით გათვალისწინებულ ფარგლებში „შემსრულებელი“ კისრულობს ვალდებულებას პრაქტიკის გასატარებლად დოკუმენტის 1.4 პუნქტით გათვალისწინებულ ვადაში მიიღოს „დამკვეთის“ არაუმეტეს 10 (ათი) სტუდენტი, ბაკალავრიატის საგანმანათლებლო პროგრამით „მშენებლობა“ გათვალისწინებული სასწავლო კურსით „საწარმოო პრაქტიკა“ - ფარგლებში.
- 1.3 „შემსრულებელი“ პრაქტიკანტ/სტუდენტებს დაუნიშნავს მენტორს/ზედამხედველს და უზრუნველყოფს პრაქტიკის მაღალ დონეზე ჩატარებას. „შემსრულებლის“ სურვილის შემთხვევაში მენტორი დაინიშნება საწარმოს პერსონალიდან, შესაბამისი კვალიფიკაციით. პრაქტიკის დასრულების შემდეგ „შემსრულებელი“ თითოეულ სტუდენტზე გასცემს ბეჭდით დამოწმებულ დასკვნა-დახასიათებას.
- 1.4 წინამდებარე დოკუმენტის ფარგლებში და შეთანხმებული პირობებით დამკვეთის სტუდენტები საწარმოო პრაქტიკას გაივლიან 15 კვირის განმავლობაში.

2. „დამკვეთის“ უფლება-მოვალეობანი

- 2.1 „დამკვეთი“ ვალდებულია სასწავლო პროგრამით გათვალისწინებული პრაქტიკის ვადები და გრაფიკი შეათანხმოს „შემსრულებელთან“ პრაქტიკის ჩატარების დაწყებამდე 10 დღით ადრე.
- 2.2 „დამკვეთი“ უზრუნველყოფს „შემსრულებლის“ მატერიალურ-ტექნიკურ ბაზაზე არსებულ ექსპლუატაციის პირობების სრულ დაცვას.
- 2.3 დამკვეთი ვალდებულია შემსრულებლის მიერ საწარმოს ნაწილში არსებული ვაკანსიის გამოცხადების შემთხვევაში გაავრცელოს იგი სტუდენტთა შორის, მოიძოს

შესაბამისი კადრი, მოახდინოს მსურველთა აღრიცხვა და მიიღოს მონაწილეობა შერჩევის პროცესში.

3. შემსრულებლის უფლება-მოვალეობანი


- 3.1 ვალდებულია პრაქტიკის გასატარებლად მიიღოს დამკვეთის მიერ გაგზავნილი სტუდენტები, არაუმეტეს ამ შეთანხმების 1.2 პუნქტით გათვალისწინებული რაოდენობისა.
- 3.2 „შემსრულებელი“ ვალდებულია სტუდენტებს გააცნოს ობიექტის შინაგანაწესი და უსაფრთხოების დაცვის წესები და გადასცეს შესაბამისი სპეციალური დანიშნულების არჭურვილობა.
- 3.3 „შემსრულებელი“ ვალდებულია პრაქტიკის პერიოდში გამოყოს პასუხისმგებელი პირი (მენტორი), 1 მენტორი - არაუმეტეს 5 სტუდენტზე.
- 3.4 ყოველგვარი ბუნდოვანების გამოსარიცხად, წინამდებარე მემორანდუმით დადგენილი ვალდებულებები არ გულისხმობს შემსრულებლის ვალდებულებას სტუდენტების შემდგომ დასაქმებასთან დაკავშირებით.
- 3.5 შემსრულებელი უფლებამოსილია მოთხოვოს დამკვეთსა და მის სტუდენტებს (ხოლო ეს უკანასკნელნი თავი მხრივ იღებენ ვალდებულებას) წინამდებარე ხელშეკრულების ფარგლებში მიღებული ინფორმაციის კონფიდენციალურობის დაცვა.
- 3.6 შემსრულებელი უფლებამოსილია პრაქტიკული კურსის დასრულების შემდგომ ნებისმიერ დროს გაუკეთოს სტუდენტს დასაქმების შეთავაზება.

4. ფორს-მაჟორი

- 4.1 თოთოეული მხარე ამ ხელშეკრულებით გათვალისწინებული ვალდებულებების მთლიანად ან ნაწილობრივ შეუსრულებლობის გამო პასუხისმგებლობიდან თავისუფლდება, თუ ვალდებულების შეუსრულებლობა გამოწვეულია დაუძლეველი ძალის (ფორს-მაჟორული გარემოებები) ან მეორე მხარის ბრალის შედეგად.
- 4.2 დაუძლეველ ძალად მიიჩნევა ისეთი ფაქტის ან გარემოების არსებობა, რის გამოც ხელშეკრულების მხარე ვერ ასრულებს ვალდებულებას, კერძოდ:
 - 4.2.1 ხანძარი და აფეთქება, წყალდიდობა, სტიქიური უბედურება;
 - 4.2.2 სამხედრო მოქმედება, აჯანყება, სამოქალაქო ომი;
- 4.3 ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

5. ხელშეკრულების მოქმედების ვადა

- 5.1 ხელშეკრულება ძალაში შედის ხელმოწერისთანავე და ძალაშია 2024 წლის მაისამდე.
- 5.2 ხელშეკრულება ვადაზე ადრე შეიძლება შეწყდეს:
 - ა) დამკვეთის ავტორიზაციის გაუქმების შემთხვევაში;
 - ბ) მხარეთა შეთანხმებით;



გ) საქართველოს კანონმდებლობით განსაზღვრულ სხვა შემთხვევებში და დადგენილი წესის შესაბამისად.

5.3 საკითხები, რომლებიც არ არის განსაზღვრული წინამდებარე ხელშეკრულებით, რეგულირდება მოქმედი კანონმდებლობით.

5.4 ხელშეკრულებაში ცვლილებებისა და დამატებების შეტანა შეიძლება მხარეთა ორმხრივი წერილობითი შეთანხმების საფუძველზე.

5.5 მხარეთა პასუხისმგებლობა განისაზღვრება მოქმედი კანონმდებლობის შესაბამისად.

5.6 იმ შემთხვევაში, თუ მხარეთა შორის წარმოშობილი დავის და უთანხმოების მოგვარება შეუძლებელია მოლაპარაკების გზით, მისი გადაწყვეტა ხდება საქართველოს კანონმდებლობის შესაბამისად.

5.7 ხელშეკრულება შედგენილია ქართულ ენაზე, თანაბარი იურიდიული ძალის მქონე ორ იდენტურ ეგზემპლარად.

6. მხარეთა მისამართები, საბანკო რეკვიზიტები და ხელმოწერები

<p>„შემსრულებელი“ შპს „სამშენებლო კომპანია აპექს დეველოპმენტი“ ს/კ 404438649 ტელ: 555 533303</p> <p>დირექტორი: ვლადიმერ რობაქიძე</p> <p>.....</p>	<p>„დამკვეთი“ სსიპ „საქართველოს ტექნიკური უნივერსიტეტი“ ს.კ 211349192 მისამართი: ქ.თბილისი, 0160, ვასტაგას ქ.№77</p> <p>რექტორი: დავით გურგენიძე</p> <p>.....</p>
-----------------------------------------------------------------------------------------------------------------------------------------------------------------------	-------------------------------------------------------------------------------------------------------------------------------------------------------------------------------------------